

ՕՏԱՐ ԵԿԵՂԵՑԻՆԵՐ

ԹՈՒՍԱՅ ԵԿԵՂԵՑԻ

Թեմր ու Գորս կառավարութեան բարեփոխութիւնները Սոյն 1914 թ. փետրվար ամսում կայացել է առանձին խորհրդակցութիւն Ֆինլանդիայի Սերգէյ արքեպիսկոպոսի նախագահութեամբ և Կիևի ու Մոսկուայի մետրոպոլիտների մասնակցութեամբ՝ վերաքննութեան ենթարկելու թեմական կառավարութեան բարենորոգութեան նախագիծը։ Խորհրդակցութիւնը յանգել է հետեւալ եզրակացութեան։

Առաջնորդների ու նոցա յաջորդների կարգումն ու արձակումն կատարւում է Ս. Սինօդի որոշումով՝ և Բարձրագոյն հաստատութեամբ։ Եպիսկոպոսական բարձր աստիճանի կոչուելը լինում է առաջարկութեամբ պատերիարքի ս. Սինօդի ընդհանուր ժողովով 35 տարեկան այն կուսակրօն հոգևորականներից, որոնք իրենց վարքով և ցոյց տուած կառավարչական ընդունակութեամբ ու մատուցած ծառայութեամբ յայտնի են։ Առաջնորդական փոխանորդ կարգելիս ի նկատի է առնուած իրեն թեմական առաջնորդի կարծիքը, իսկ առաջնորդ կարգելիս՝ նոյն շրջանի մետրոպոլիտի կարծիքը։ Կարելի է նաև ուշադրութեան առնել թեմի ժողովրդի միջնորդութիւնը։ Սակայն ոչ այդ կարծիքներն և ոչ էլ ժողովրդի միջնորդութիւնը պարտաւորական նշանակութիւն չունին ս. Սինօդի համար։ Իբրև թեկնածուներ առաջնորդական զահր կարող են լինել փոխանորդներն և այլ եպիսկոպոսներ, նմանապէս և այն հոգևորականները, որոնք թէև չունեն եպիսկոպոսական աստիճան՝ բայց յայտնի են իրենց օգտակարութեամբ։ Պետերբուրգի և Կիևի միաբապօլիտների և Վրաստանի էկզարխի կարգումն լինում է Անուանական Բարձրագոյն հրամանով յանուն ս. Սինօդի։

Թեմի կառավարութիւնը յաջող տանելու համար ժողովն որոշել է իւրաքանչիւր թեմում առաջնորդներին կից ունենալ քեմական խորհուրդ։ Այդ խորհուրդի նպատակն է միջոց տալ առաջնորդին զանազան հարցերի նկատմամբ մանրամասն իմանալու թեմի տեղական զանազան գիտակ անձանց զիտողութիւններն ու կարծիքները։ Խորհուրդը զումարւում է առաջնորդի անմիջական նախագահութեամբ պահանջուած դէպքում։

Թեմական խորհրդի մշտական անդամները կազմում են՝ փո-

խանորդ եպիսկոպոսները, Մայր եկեղեցու աւագ քահանան, թեմական կառավարութեան նախագահը, Հոգեւոր Սեմինարիայի վերատեսուչը, հովուական ուսումնարանի կառավարիչը, թեմական ուսումնարանական խորհրդի նախագահը, եկեղեցական-ծխական ուսումնարանների թեմական Տեսուչը, թեմական քարոզչական առաքելութիւն կառարողներն և վերջապէս թեմական կառավարութեան մէջ պաշտօնավարող պետութեան ներկայացուցիչը: Թեմական խորհրդին կարող են մասնակցել թեմակ. Առաջնորդի հրաւերով նաև վանքերի վանահայրերը, ծառայած հոգեւորականներ, Հոգեւոր դպրոցների ուսուցիչները, նոյնպէս և տեղական քաղաքացիական իշխանութեան և աշխարհական դատակարգի ներկայացուցիչները:

Թեմական խորհրդների զբաղմանց առարկայ կարող են լինել այն բոլոր հարցերը, որոնք վերաբերում են թեմի կրօնական-բարոյական խնդիրներին, թեմի կրթական գործերին, հոգեւորականութեան հովուական գործունէութեան, հոգեւոր-գալթոցական հաստատութիւնների վիճակին՝ նրանց բարոյականի և նիւթականի վերաբերեալ, եկեղեցական ծխական կեանքի գրութեան, մատաղ սերնդի դաստիարակչական գործին, և այլն:

Վ.Իճ. Կոնսիստորիաների բարեփոխութիւնը: Սոյն տարուայ փետրվար ամսում կայացել է խորհրդակցութիւն նախագահութեամբ Ֆինլանդիայի Սեբեգէյ արքեպիսկոպոսի: Բացի սովորական անդամներէ՝ ներկայ են եղել նաև Կիևի մետրոպոլիտ Ֆլաւիան, Սինոդի աւագ պրօկուրօր Սաբլեր, և այլ ուրիշները: Հերթական հարցն եղել է այժմեան կոնսիստորիաների բարեփոխութեան խնդիրը: Խորհրդակցութիւնն ընդունել է՝ որ կոնսիստորիաների փոխադէմն պէտք է հաստատուեն թեմական կառավարութիւններ: Կոնսիստորիաների գործերի մի մասը կարելի է յանձնել նոր հաստատուելիք թեմական առաջնորդների ղեւանատունը, իսկ դատատանական գործերն էլ կարելի է յանձնել առանձին քեմական դատարան: Թեմական կառավարութիւն կոչուած նոր հաստատութիւնը գլխավորապէս ներկայացնում է զուտ վարչական հաստատութիւն: Բացի թեմական կառավարութեան մշտական անդամներից կը նշանակուի առանձին նախագահ: Նախագահ նշանակելու հարցը անզիք է տուել կարծիքների տարաձայնութեան: Ոմանք ընդունելով թեմական կառավարութեան կարեւոր նշանակութիւնը, գտնում են՝ որ նորա նախագահը պէտք է նշանակուի անմիջապէս ս. Սինոդի կողմից և գտնուի վերջինիս հսկողութեան ներքոյ:

Ուրիշները նկատելով՝ որ դորանով Առաջնորդի իշխանութիւնը կարող է սահմանափակուիլ՝ բարւոք՝ են տեսնում որ թեմական Կառավարութեան նախագահը նշանակուի ոչ թէ Սինօդի կողմից, այլ տեղական առաջնորդից: Այս վերջին կարծիքը գերակշռող է եղել, ուստի և խորհրդակցական ժողովն որոշել է թոյլ տալ թեմական առաջնորդին թեմական կառավարութեան նախագահ նշանակելու նոյն կառավարութեան անդամներից մէկին: Իսկ կառավարութեան անդամները նշանակուած են ս. Սինօդի կողմից առաջարկութեամբ թեմական առաջնորդի:

Ոչ կառավարութեան նախագահն և ոչ էլ նորա անդամները չեն կարող վարել զպրոցական խորհուրդների, հոգևորականների համագումարի, վերաստուգիչ յանձնաժողովների, մոմի գործարանների կառավարութեան նախագահական պաշտօնները և ոչ էլ գործակալական պաշտօն: Ժողովն որոշել է սահմանափակել նաև թեմական Կառավարութեան անդամների գործունէութիւնը իրրև կրօնօւսոյց և դասատու հոգևոր զպրոցներում: Նոքա 12 զասից աւելի չեն կարող ունենալ շարաթական:

Արտակարգ կարևոր դէպքերում ս. Սինօդի թոյլտուութեամբ հաստատուած են ժամանակաւոր թեմական նստաշրջաններ, որտեղ քննութեան կենթարկուեն աւելի կարևոր բարդ հարցեր:

Ամուսինների անօրս կենակցութիւնը: Երկար վիճարանութիւնից յետոյ Պետական Դոմայում վերջապէս ընդունուած է ամուսնացած կանանց իրաւունքների ընդարձակման օրինադիւմը: Այս նոր ընդունուած օրէնքով իւրաքանչիւր ամուսնացած կին իրաւունք ունի, անկախ իւր ամուսնու համաձայնութիւնից, ունենալ իւր առանձին ապրելու վկայականը: Այսպիսով անցաթուղթն այլ ևս պարտաւորիչ կերպով չէ կապուած կնոջ իւր մարդու հետ և փաստօրէն ամուսինների հեռանալը զանազան քաղաքներ միշտ հնարաւոր է: Եթէ ամուսիններն ապրում են իրարից առանձին, այդ դէպքում կինն իրաւունք ունի անկախ կերպով իւր վիճակը տնօրինելու, մօտել ծառայութեան և այլն: Բայց այնուամենայնիւ պահպանուած է առաջուայ պէս և մարդու իրաւունքը և կամ առհասարակ բաժանուած ամուսինների իւրաքանչիւրի իրաւունքը՝ պահանջելու վերականգնելու միասին կենակցութիւնը: Բայց այդ իրաւունքը կարելի կը լինի վերականգնել միայն զատաստանական կարգով, ըստ որում՝ նա ստանում է իւր սահմանափակումները: Այսինքն՝ եթէ դատարանը ընդունի, որ միասին կենակցութիւնը ամուսիններից մէկի համար եղել է անտանելի, այդ դէպքում

միասին կենակցելու ցանկութիւն յայտնող ամուսնու պահանջը կը մերժուի, այսինքն ամուսինների անջատ ապրելը ճանաչում է օրէնքը:

Միասին կենակցութիւնը ճանաչում է անտանելի ամուսնու համար, երբ վարում են նորա հետ չափազանց դաժան, կամ ամուսնու կողմից՝ կամ ուրիշ ամուսնութիւնից ծնած երեխաների կողմից, և կամ առհասարակ երբ ամուսիններից մէկի կողմից խախտում են ամուսնութեամբ նորա վրայ դրուած պարտականութիւնները, ինչպէս օրինակ նորա անազնիւ և անբարոյական կեանքի շնորհիւ, երբ ամուսիններից մէկը ունենում է այդպիսի հիւանդութիւն, որը կարող է վտանգաւոր դառնալ միւս ամուսնու առողջութեան համար, կամ սերնդին պատճառի ծանր հոգեկան հիւանդութիւն: Բացի դորանից միասին կենակցութիւնը կարող է դառնալ անտանելի կնոջ համար, եթէ նա բռնուած է այնպիսի հիւանդութեամբ, որի ընթացքում ամուսնական կեանքը կարող է լինել վտանգաւոր նորա կեանքի կամ առողջութեան համար: Վերոյիշեալ խնդիրներն ամուսնական անջատ կեանքի վերաբերեալ ծառայում են նաև յայտանշան անջատուած ամուսինների նիւթական յարաբերութիւններն որոշելիս և նոցա իրաւունքն իրենց զաւակների վերաբերեալ: Կինը ստանում է իրաւունք ապահովուելու մարդուց՝ երբ ամուսնական կեանքը դառնում է անտանելի մարդու յանցանքի պատճառով և կամ կնոջ հիւանդութեան դէպքում: Նոյն կերպ որոշւում է և նրանց իրաւունքը զաւակների նկատմամբ, ի նկատի առնելով յանցաւոր կողմը:

Կանանց անջատ կենակցութեան համար եղած այս որոշումները Պետական Դատարան, որոնք արդէն օրինական ընթացք են ստացել, ընդհանուր գորութիւն ունեն Պետութեան բոլոր դատարանութեան պատկանող անձանց համար:

Սպովոսասացների դատընթացք: Օմսկի թեմակալ առաջնորդ Անդրօնիկ արքեպիսկոպոսի նախաձեռնութեամբ առաջնորդական տանը բացուել է սպովոսասացների դասընթացք: Սկզբնական նախապատրաստութիւն ի նկատի են ունեցել 15 հոգու համար, որոնք պէտք է ապրեն առաջնորդական տանը, խիստ ենթարկուելով այն կարգ ու կանոնին, որոնք սահմանուած են նրանց համար: Բոլոր կուրսիստները պէտք է առաւօտեան 6 ժամին արթնանան և գնան ընդհանուր աղօթատունը, ապա խմում են թէյ և պարապում են իրենց դասերը՝ պատրաստելով մինչև ժամը 8 առաւօտեան: Որից յետոյ գնում են պատարագի, մասնակցութիւն ունենալով երգեցողութեան ժամանակ և գրքեր կարդալիս: Պատարագից յետոյ

ակաւում են նոցա պարապմունքները—լինում են կամ դասախոսութիւններ և կամ գործնական պարապմունք կրօնից (3 դաս) պատմութիւնից եկեղեցու, երգեցողութիւնից, մուշիկայից և եկեղեցական զբաղրութիւնից և այլն: Պարապմունքից յետոյ 1 ժամ 15 րոպէին լինում է ճաշ, ապա հանգիստ: Ժամը 4-ին գնում են երեկոյեան ժամերգութեան մասնակցելու և ապա մինչև ժամը 9 երեկոյեան զբաղւում են իրենց պարապմունքներով: Կուրսիստների պահպանութեան համար թեմի վիճակային գումարից յատկացուած է որոշ գումար, իսկ իւրաքանչիւր սովորող վճարում է իւր սեպհական միջոցներից ամսական 25 ռուբլի 7 ռուբլի էլ անկողնու ծախս, իսկ 3 ռուբլի էլ մուշիկայի համար:

Այսպիսով Օմսկի արքեպիսկոպոսի բարի նպատակն է միջոց տալ՝ որ թեմի քահանաները ունենան աւելի կրթուած և պահանջուած եկեղեցական գործնական գիտելիքներով օժտուած սաղմոսասացներ: Իսկապէս սաղմոսասացն ամենակարևոր օգնականն է քահանայի, առանց որի վերջինս ծիսակատարութեանց ժամանակ մեծ նեղութիւններ կարող է կրել: Իսկ իւրաքանչիւր իւր կոչման բարձրութեան վրայ կանգնած քահանայ կաշխատի ունենալ վերոյիշեալ պատրաստութեան տէր օգնականներ: Զէ՛ որ սաղմոսասացն եկեղեցում կարգում և երգում է ի դէմս ներկայ եղող ժողովրդեան՝ հետևապէս նախ նա պէտք է կարդայ գեղեցիկ առողջանութեամբ և միանգամայն հասկանալի: Ինչպիսի բարոյական յատկութիւններ պահանջուած է քահանայից՝ նոյնը պէտք է երևայ նաև սաղմոսասացի մէջ, չէ՞ որ երկուսն էլ կոչուած են Աստուծոյ տաճարում ծառայելու և բարի օրինակ լինելու ժողովրդեան:

ԿԱԹՈՒԼԻԿ ԵԿԵՂԵՑԻ

Կաթոլիկ եպիսկոպոսներէ հոգացողութիւնը բաւեի մաքուրեան մասին: Գերմանական եպիսկոպոսների հովուական թղթերը, որոնք հրատարակուեցին Ֆուլդում վերջին համագումարի ժամանակ, սուրբ Բոնիֆացիայի գերեզմանի մօտ, վերաբերում են ընտանիքի և երեխաների դատարարակութեան վերաբերեալ հարցերին: Վերջին ժամանակներում Գերմանիայում իւրաքանչիւր տարի ծնածների թուերի յաջորդաբար սահմանափակումն իւր վրայ դարձրեց նաև եկեղեցու հայրերի ուշադրութիւնը: 1876 թ. Գերմանիայում 1000 մարդուն գալիս էր 42 ծնունդ, իսկ 1911 թ. միայն 29: Այդպիսի տխուր և վտանգ սպառնացող երևոյթի գլխա-